

# ODRŽANA PEDESET PRVA SJEDNICA VIJEĆA IPP FBiH

26.05.2026 14:56



Dana 26. maja 2026. godine održana je pedeset prva sjednica Vijeća IPP FBiH u prostorijama Federalne uprave za geodetske i imovinsko-pravne poslove na kojoj su razmatrana ključna pitanja vezana za uspostavu, održavanje i dalji razvoj Infrastrukture prostornih podataka Federacije Bosne i Hercegovine (IPP FBiH).

Na sjednici Vijeća razmatrane su sljedeće tačke dnevnog reda:

1. Utvrđivanje dnevnog reda 51. sjednice Vijeća IPP FBiH;
2. Usvajanje Zapisnika sa prethodne 50. sjednice Vijeća IPP FBiH;

3. Informacija o usvajanju Izvještaja o radu na uspostavi, održavanju i razvoju IPP FBiH za 2025. godinu;
4. Informacija o provedbi Plana rada na uspostavi, održavanju i razvoju IPP FBiH i Plana edukacija za 2026. godinu;
5. Informacija o aktivnostima podrške subjektima pri unosu podataka u aplikacije IPP FBiH;
6. Informacija o objavljenom Katalogu metapodataka Federalnog zavoda za geologiju i prijedlog za postupanje;
7. Informacija o realiziranoj studijskoj posjeti Vijeća IPP FBiH Nizozemskom Kadasteru;
8. Prezentacija Uputstva za primjenu općih uslova licenciranja;
9. Informacija o učešću delegacije FGU/Vijeća IPP FBiH na konferenciji IPP RH i Godišnjim susretima geodetskih uprava u Šibeniku (27.–29.05.2026.);
10. Razno.

Raspravom po tačkama dnevnog reda potvrđena je važnost kontinuiranog razvoja IPP FBiH, pri čemu je poseban naglasak stavljen na tehničku podršku subjektima pri unosu podataka u aplikativna rješenja.

Posebna pažnja tokom sjednice posvećena je prezentaciji radnog materijala pod nazivom „Uputstvo za primjenu općih uslova licenciranja prostornih podataka u IPP FBiH“. Ovaj dokument predstavlja operativnu razradu Odluke o određivanju općih uslova za licenciranje prostornih podataka, koju je Vijeće IPP-a donijelo na prethodnoj sjednici. Uputstvo je izrađeno na osnovu Studije okvira za licenciranje iz 2024. godine, uz potpuno uvažavanje INSPIRE direktive, Direktive o otvorenim podacima te Strategije za IPP FBiH 2023.–2027. Obzirom na to da primjena Uputstva direktno utiče na poslovne procese svih subjekata IPP-a, kao i na uslove korišćenja podataka od strane javnog, privatnog, akademskog i civilnog sektora, Vijeću je predloženo da se ovaj materijal uputi u javnu raspravu i konsultacije u trajanju od 60 dana. Time će se omogućiti prikupljanje stručnih mišljenja i prijedloga ključnih aktera prije konačnog usvajanja dokumenta.

Tokom sjednice, članovi Vijeća su informisani o službenom usvajanju Izvještaja o radu za 2025. godinu, čime su uspješno zaokružene prethodne aktivnosti. Istovremeno je razmatrana provedba aktuelnog Plana rada i Plana edukacija za 2026. godinu, s ciljem daljeg jačanja kapaciteta i nastavka planirane dinamike razvoja sistema. U kontekstu unaprjeđenja tehničkih resursa, razmatrana je i informacija o objavljenom Katalogu metapodataka Federalnog zavoda za geologiju, uz odgovarajuće prijedloge za dalje postupanje.



```
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```